



# Arubaanse Courant

Anja 25.

DIARAZON 6 MEI 1964

No. 5026.

## Apuntes Editorial Commemoracion di Esnan cu a muri den Gera

Dia 4 di mei nos a bolbe recorda e defuntanan. Un grupo chikito di hefenan di departamento di gobierno, otro hoofdambtenaarnan, manager di algun negoshi grandi, representantenan di organisacionnan cu tin algu di haci cu militarismo y guerra mundial, un blaha mas a bolbe reuni rond dje monumento pa recorda esnan cu a bai laga nos durante segundu guerra mundial.

Tabatin stemnan cu a pidi pa stop cu e conmemoracion aki. Na Hulanda nan por a terde e stemnan aki basta tempo caba. Na Aruba prome y despues dje ceremonia na pia dje monumento tambe. Hopi factornan por worde treci padilanti en conexion cu esaki y domi Visser amenciona algun den su discurso na pia dje monumento. E segundu guerra mundial ta sina tanto tempo tras di lomba caba. E violencia cruel y e sanger cu a drama a bira vago tras dje crueldadnan nobo, destrenan cu a sigui despues, amenazanan y cosnan asina. Ya ta sina cu bo mester ta den cacerda di cuarenta anja pa bo por recorda e guerra y tur loke tabatin di haci cu guerra. Pa esnan cu ta mas hoben cu trinta, e segundu guerra ta solamente historia of obheto di algun cuentanan grandi di e generacion mas bieuw. E grupo di esnan cu ta completamente stranja en conexion cu e guerra mundial aki y pues en conexion cu conmemoracion solemnemente ta bira mas grandi. E grupo cu si ta desea pa mantene e conmemoracion ta bira gradualmente menos. Tard of trempa e ceremonia aki sin duda ta condena pa jega na un fin.

Ademas ta bini acerca, cuna Aruba nunca tabatin mucho interes pa e ocasion aki. Anjanan largo ta e mesun grupo, cu dia 4 di mei mainta ta presenta rond dje monumento, majority di nan cu un conciencia di deber, pero sin animacion, sin e sentimiento particular pa e ocasion.

Pesey e stemnan a resona, cu lo ta mehor pa den futuro tene en conmemoracion aki cada cinco anja.

Nos ta kere cu te hasta ta meho pa stop cu e ceremonianan aki rond dje monumento. No cada cinco anja, pero completamente. E recuerdonan ta mucho vago caba.

Nos ta worde obliga pa para keto na algo cu pa majority di nos apenas ta toca e cuerde di nos curazon. Nos mester keda real na e mundo aki. No tin pakiko pa sigui conmemora esnan cu a cai den guerra na e manera aki, un guerra di cual su crueldadnan afortunadamente practicamente no alcansa te na Aruba. Nos lo no kier pretende tampoco pa stop cu un conmemoracion dje defuntanan na e manera aki na por ehemplo Rotterdam, Dachau of na Warshaw. Perosi na Aruba.

## MAL CUMINSAMENTO DI DELIBERACIONNAN KENNEDY

Mas di 250 delegado foi 40 pais a asisti ne inauguracion oficial dje conferencia. E rechazo Frances pa rebaha e derechonan di douane como punto pa cuminsa e deliberacionnan dje seis pais cu a tuma luga na un luga na un reunion separa dje seis paisnan di E.E.G. cu a worde tene poco prome cu e inauguracion seremonioso dje conferencia.

E seis paisnan di e comunidad economico Europea na Ginebra, a recupera e frontera comun provisionalmente, pa e buelta Kennedy.

Francia lo no entrega un proposicion nobo, cu ta desvia di e punto di bista di e partnernan di EEG, mientras cu e partnernan a acepta pa cumpli cu algun deseonan di e Francesnan.

E compromiso a worde alcansa, durante un reunion corticu den oranan laat di anochi, na cual a participa e ministernan di e seis paisnan di EEG y e comision Europea. Na nomber di e seis paisnan amandamentunan lo worde propone, cu no solamente ta relaciona cu e proposicion pa rebaho cu cincuenta porciento di e tarifnan di adoua na pero tambe riba dos otro punto, contra cual e delegacion Frances a duna su veto anteriormen te si cu e compromiso aki a worde evita, cu Francia door di entrega un propio proposicion no-  
=====

Loke no ta kita fo, cu lo tabata un bon idea pa pastooran y domi organisa sacrificionnan di misa entre e di mei pa 11 di mei conmemorando asina esnan cu a cai den e guerra cruel, e opresion di libertadnan di hende y e derechonan fundamental, persigicion dje hudionan, e camponan di concentracion na unda violencia morto tabata viola tur derechonan. Y huntu cu esey e hermosura di curashi, e deseo y impulso indomable pa libertad e disposicion pa sacrifica propio sanger pa un causa den cual bo ta kere cu curazon y alma.

Mudamento dje conmemoracion for di Adriaan Lacle Boulevard pa misa y kerkinan, si ta preferible combina cu Santa Comunion, ultima Cena of otro custumbernan di cada religion, segun nos tin mucho mas sentido.

Y esnan cu toch ta desea di sigui hiba flor na pia dje monumento, por haci esey sin e trinta par di wowonan di otro hende rond di nan. E personanan en kestion tin suficiente cu nan flornan banda di e gedenkplaats, nan lagrimanan den nan curazon y e brisa carinjo di e pasaat den nan compania.

bo, abiertamente lo a demost e desunion entre e seis partnernan di EEG, di otro banda observadornan ta puntra na Ginebra con e reaccion di Merca lo ta riba proposicionnan di modificacion.

Prome cu e reunion publica di e deliberacion di e buelta Kennedy a cuminsa funcionarionan di e comunidad economica Europea a entrega e texto di e contra proposicion di e seis paisnan na e lider di e delegacion Mericano, Herter, y e representante xi e delegacion Ingles. E secretario di acuerdo general pa tarifa y comercio, Wyndham White, tabata presente.

Di pati di EEG a worde inform, cu e documento no a haya mal recepcion. Lo tin un reunion nobo den oficina di Wyndham White. E seis paisnan ta spera di tende contesta di Merca den e reunion ey.

**FATUM**  
Pa tur bo aseguran  
Tel. 1845

Den e reunion publica di e deliberacionnan di e buelta Kennedy e representante di India a bisa, cu majority di e 450 milyon Indianan ta biba bou di circunstancianan material, cu no por worde imagina na Europa.

Despues di diesdos aña di hopi esfuerzo e entrada nacional di India ta actualmente 70 dolar pa aña pa persona, pero un cuart di e poblacion ta gasta pa su existencia solamente 42 dolar pa aña.

E representante di India a critica diferente medidanan di varios paisnan di desarrollo. Pesey el a propone mas aumento di e rebaho di derechonan di import pa e paisnan di e desarrollo cu pa e paisnan industrial.

## PARTY PA K. L. M.

PALM BEACH, 6 mei.- Na ocasion di e bishita di algun agencianan di vahe Americano na Aruba, directie di Aruba Caribbean hotel-casino a ofrece un recepcion dialuna anochi riba papiamento terras, na unda e americanonan y otro prominentenan di e isla a worde invita. E agentenan cuta bishitando Aruba, riba invitacion di K.L.M. a worde ofreci prome un blaha over e isla, cu a cay masha na naak. K.L.M. a percura durante nan blaha pa Aruba den e jet, pa nan hanja suficiente propaganda y informacionnan tocante e isla aki. Ayera y awe man a sali for di Aruba pa Curacao.

Tambe e delegado Argentino tabatin critica fuerte riba e actitud di e paisnan industrial. E tabata kier pa tratamentu di e productonan agricultural durante e buelta Kennedy ta por lo menos mes favorable cu esnan di productonan industrial.

Den nomber dje comision Europeo Jean Rey vice-president dje comision a insisti riba un investigacion pa tur e kestionnan cu e buelta Kennedy a lanta prome cu busca solucionnan pe kestion completo. Henter 1964 - meste ta dedica ne investigacion aki pa tarivanan, e ecepsionnan, kestionnan agricola y limitacionnan cu no ta di tarifa.

## LADRONICIA NA SAN NICOLAS

Oranjestad, 6 Mei. - Dia 27 di April recherche na San Nicolas a worde informa cu den un club na Vuylstekenstraat nan a horta. Aki nan a hanja falta di f. 200.-- mas algun rol di film, joyas y eau de cologne. Recherche ta investigando e caso. En cooperacion cu polis di Lago dos dia despues R.J. di 54 anja por a worde deteni kende a worde sospecha di a horta algun herment di Lago. Dia 1 di Mei nan a horta den un restaurant na San Nicolas na unda nan a hiba un cantidad di bebeda sterki.

## Pelicularnan pa Mucha den luna di Mei

ORANJESTAD, 6 di mei.- Servicio di pelicula di territorio insular di Aruba lo presenta e luna aki tres presentacion. Dia 8 lo worde presenta un programma di seis pelicula chikito na Noord, y cu lo worde ripiti un blaha mas dia 28 y 29 na Oranjestad. Den e programma aki tin tres pelicula nobo.

## JCS ta reparti awa

SURINAME, 6 mei.- En conexion cu segura constante y aumento di necesidad di awa den e districtonan, Junior Chamber Suriname a dicidi recientemente, di acuerdo cu un di su principionan, esta "cu presta servicionan na humanidad ta e mehor trabou di bida", pa tuma parti na distribucion di awa na e territorionan necesitado.

Cu cooperacion di e comisariodi distrito di Surinam y di alguniguranan local, por a cuminsa pronto cu e reparticion di awa. Conducion di awa ta tuma lugar tur dia y lo continua te ora ta necesario.

E Jayceesnan a keda encarga personalmente cu e distribucion y ta worde juda door di algun



SABOR CU NUNCA TA  
VARIA

IT NEVER VARIES.

voluntarios.  
E Jayceesnan di Surinam ta spera di por propociona 10.000 liter di awa pa dia.

## Locomotoran Frances pa Cuba; Merca ta protesta

PARIS, 6 mei.- Den circulanon generalmente bon na altura na Paris ta worde informa, cu un fabrica Frances lo entrega binti locomotora di diesel na Cuba. E entrega ta tuma lugar a base di un credito di tres anja. Gobierno Frances a duna e fabrica un garantia pa e paso.  
E fabrica a anuncia cu e lo entrega e binti locomotoranan na Cuba. Den circulanon di gobierno Frances ta worde informa cu esaki lo para como garante. Ta trata di un suma di mas o menos cuater milyon dolar.

Mescos cu Inglaterra Francia a ninga di participa na e boycott comercial di Merca contra Cuba. Algun dia pasa un persona di e departamento Mericano di exterior a participa cu Merca lo jata mas energica cu te awor aqui pa evita e paisnan di navo haci negoshi cu Cuba.

Merca ta contra e entrega di locomotoranan na Castro y a laga Francia y otro paisnan sa esey.

# HACI ARUBA MAS BUNITA: PLANTA UN MATA



**Pa mucha homber:**

oloshi  
renchi cu monogram  
klem pa dashi  
dasspeld  
manchetknoop  
gesp  
balipoint 4 colo  
sambechi

**Pa mucha muher:**

oloshi,  
renchi orea  
renchi  
cadena  
pulsera  
cruz  
medaillon

cucharita  
di comunión  
cuchara y forki  
rosario

**SPRITZER + FUHRMANN**  
JUWELIERS - HORLOGERS - OPTICIENS

ARUBA - BONAIRE - CURACAO - ST. MAARTEN - NEW YORK

## TERVINIA BEAUTY SALON

WATERWEG 4 - TEL. 2128



ta ofrece tur su clientenan su servicio di masashi di cara, cu azeta especial pa kita rimpel y espenia, tambe e ta ofrece masashi di cabez cu aparato especial pa bolbe cabel. Pedicure, manicure y peinadonan di moda pa cabel largo y cortico. Ademas masashi pa curpa, pa kita carni na unda bo kier!

TERVINIA SU EXPERIENCIA DI 21 AÑA TA BO GARANTIA.



## Regalonan

util cu

mama lo aprecia

sigur

den surtido extenso  
na su adres favori-  
to



La Linda

## TA HUUR

UN CAS (NO-MUEBLA)

Den dr. Henriquez

straat 10.

PA MAS INFORMACION ACUDI  
SERCA HOSE LACLE, NASSAU-  
STRAAT 117.

## FOR SALE

22ft cabin cruiser  
head, elec. bilge  
pump  
100 hp. merc. trai-  
ler  
complete with in-  
struments  
for \$ 3000,--

(Tres mil dollar mericano)

For inform, please call

Bill Jordan

Aruba Caribbean Hotel-Casino  
Tel 2250.

## AVISO

Comandante di mariniers-  
kazerne "Savaneta" Aruba,  
ta participa cu: dia 8 di mei  
1964 for di 07.00 or te 11.00  
or lo tin ehercicio cu mitrail-  
lador riba terreno di Cali-  
fornia (Aruba)

Maximo altura di es proyectiel  
lo ta 7500 metros.

E terreno peligroso lo wordu  
stipula pa bandera corra y bor-  
chinan di aviso.

E terreno peligroso riba la-  
mar lo ta 10.000 metros for di  
costa.

## FANNY'S SHOPS

Oranjestad - San Nicolaas.

TA YUDA BO HACI BO MAMA

CONTENTO.

- NOS TA DUNA

10 %

(DIEZ PORCIENTO)

ARIBA REGALONAN PA DIA DI MAMA

A caba di jega un surtido grandi  
di precioso articulos.  
Haci nos un bishita y convence  
bo mes.



Tres hoben cu ta practica e deporte di pisca-  
mento na nos isla - di r.p.d.r. Candido Carras-  
quero, Jan Hoen Jr. y Emile Westrate, diasabra  
mainta a captura e gigantesco-tortuga aki. Nan ta-  
bata landa for di costa na California ora cu nan a  
descubri cu e animal aki y matele cu algun speer  
den su nek. Despues di basta rato cu nan a lucha  
cu e tortuga nan a logra trecele na cantu. Su carni  
ta na venta na veterinaire dienst actualmente.

CLUB HOLLANDIA CAMPEON  
KNOCKOUT DOMINO JULIANA BEKER

Sta. Cruz, 6 Mei. - Enorme en-  
tusiasmo tabatin Diadomingo na  
club Jamanota na Sta Cruz, na  
unda club Hollandia Sint Maarten  
club tabatin nan encuentro di do-  
mino final dje competitie pa  
copa Juliana. Cu un score masha  
perta di 21-19, club Hollandia a  
sali ganador. Aki e beker a wor-  
de duna pa Oranje Vereniging.  
Despues di palabranan di bienve-  
nido di senyor Frans Croes di di-  
rectiva di club Jamanota; a papia  
tambe senyor Titi Davelaar ken-  
de tabatin palabranan di elogio pa  
senyor Frans Croes kende durante  
seis anja consecutivo bao di sugia  
a organisa e encuentronan di do-  
mino pa Julianabeker, aunque cu  
e notabata miembro di Oranje Ve-  
reniging. Como cu semper tabatin  
hopi animacion pa e encuentronan  
aki, nan a jega di papia cu secre-  
tario di Oranje Vereniging pa la-  
ga e vereniging aki sponsor e be-  
kernan. Ordor tabata contento di  
por constata cu na e deseo aki a  
worde cumpli e anja aki. El a bi-  
sa tambe cu Jamanota Club y  
Frans Croes por a sigui conta cu  
e mes cooperacion y apoyo di un  
y tur pa haci cu e knock-out  
toerneo di domino pa Juliana  
beker cu por bisa ta un tradi-  
cion caba, semper ta un exito.  
Despues dje saki a jega momen-  
to di entrega e bekernan, cual  
Senjorita Frida Geerman reina di  
Jamanota Club a entrega na cam-  
peonnan di 1964. Tabinbetabin un  
troostbeker pa Brazil-terrors un  
team cu a comporte extra spor-  
ties durante e torneo di domino.  
Tabata presente Senyor Bonnie  
Croes, vice-president di Oranje-  
vereniging, kende e anja aki a  
worde condecora den orde di O-  
ranje Nassau pa su meritonan  
den organisacion di fiestanan pa  
anja La Reina den distritonan

pafor. Otro orador cu nos mes-  
ter menciona ainda ta Sr. Nico-  
laas Bergen president di Aruba  
Domino Bond, kende tabatin pa-  
labranan di aprecio na direccion  
di Sr. Frans Croes pa e mane-  
ra cu e la organisa e encuentro-  
nan di domino den Jmanota  
Club. Na Hollandia cu a demos-  
tra un bes mas di ta pose e  
team di mas duro di domino

J. Merryweather ta retira  
di AVB y ABB

Segun un propio declaracion John  
Merryweather a tuma retro co-  
mo miembro di directiva di Aru-  
ba Voetbal Bond. Tambe el a tu-  
ma retro como miembro di di-  
rectiva di Aruba Basket-Ball -  
Bond, mientras cu e ta consi-  
derando tambe di baha como pre-  
sident di R.C.A. Su motibopasa  
li for die organisacionnan depor-  
tivo aki ta debi na su salud.

Escritornan Polaco  
serca Gomulka

Varsovia, 6 Mei. - Un grupo di  
eskritornan Polaco prominente  
awe riba su peticion tabatin un  
entrevista que lider di partido  
comunista Gomulka. Segun  
e oficina oficial Polaco di pre-  
nsa PAP, nan a haci entre cam-  
bio di ideanan tocante asuntunan  
di interes pa desarollo di cultu-  
ra Polaco y tocante cierto pro-  
blemanan referente ambiente di  
lit eratura. Observadornan na  
Varsovia ta pone relacion entre  
e conversacion y e protesta con-  
tra e censura cu ta existi, cu 34  
intelectualnan na Maart pasa a  
dirgi pa prome minister Kyrank-  
iewicz.





Esaki ta Doña Felisa Rincon de Goutier, alcadesa di San Juan, Puerto Rico, kende a declara na Ito Tromp, kende actualmente ta studiando na e Inter American University na Puerto Rico, di gustosamente kier haci un biaha di conocemento pa Aruba. Manera por corda Gezagebber Oscar Henriquez a jega di invita e alcadesa aki algun luna pasa durante e bishita di T.C.A. na San Juan, pa haci un bishita na Aruba.

### Promer Seminario di Caribe

SAN JUAN, 6 MEI. PA PROME BEZ DEN HISTORIA DI INTER AMERICAN UNIVERSITY, UN SEMINARIO DI CARIBE RIBA ADMINISTRACION MUNICIPAL A SER TENI DEN E FAMOSO ESTUDIO DI GRABACION, ORGANIZA PA INTERNATIONAL CITY MANAGERS' ASSOCIATION, INTER AMERICAN MUNICIPAL ORGANIZATION, PUERTO RICO ASSOCIATION OF MAYORS Y INTER AMERICAN UNIVERSITY.

Tabata presente di Inter American University, Rage Elim (Relaciones Exteriores), Reverendo James Speer Dominee di Studentenan y Ronald Bauer, Presidente. Tambe diferente pais tabata representa: El Salvador, Honduras, Jamaica, Nicaragua, Puerto Rico, St. Lucia, Estados Unidos, Venezuela, Uganda, Nigeria y St. Thomas.

Tabata un requisito cu klas di Public Administration tambe asisti na e interesante seminario aki, pues tabata presente Antonio Rigual, Edwin Martinez, Al-

ma Grau, Juan Peres (tur di Puerto Rico), Winston Robles di St. Thomas y Ito Tromp di Aruba.

E seminario a cuminsa cu un charla riba "Local Government in the Caribbean" pa David Stern di Universidad di Miami, sigi pa "Aspects of Municipal Administration" pa Rafael Pico di Banco di Desarrollo di Puerto Rico. tambe a ser discuti riba Administracion Municipal rond di mundo, reglanan di un Gobierno Central, Economia y ideanan nobo pa ciudades, problemanan di un Gobierno Municipal y Adminis-

tracion, Finanzas y Planeamento den Area di un Gobierno Municipal.

Na apertura di e seminario Ito Tromp a sera conoci cu e Alcadesa di San Juan. Doña Felisa Rincon de Goutier, kende cugusto a comenta su idea di bishita Aruba. Doña Felisa a bisa cu e conoce diferente Arubano y cu tur ta mes cariñoso, mes tratable y cu tur ke pa e bishita Aruba. Doña Felisa a bisa cu aunke cu e ta poco mayor di edad toch su speranza ta di bishita e buntia

isla di Aruba un dia. Tambe Ito Tromp a sera conoci cu varios otro Public Administrators y aduna nan un splicacion cortico riba e trabonan grandi y importante di nos Gobierno y e interes di nos Gobierno pa trece mas industria pa Aruba. Segun Ito Tromp, e prijs di pasashi di San Juan pa Aruba ta masha atractivo y tur hende ta hanja gusto di bishita Aruba den nan proximo gira of excursion. Den e reunion durante seminario, bandera hulandes tambe tabata exponi. Cu 4 dia di conferencias y cu ideanan sano e Public Administrators a sigi pa nan pais, unda nan lo trata na ehecuta e ideanan sano ideanan cu nan a obtene durante e prome seminario di Caribe riba Administracion Municipal.

### Irene y Carlos Hugo pa Islanan Canario

MADRID, 6 mei.- Princesa Irene y principe Carlos Hugo ayera tardi a sali for Madrid pa Tenerife, esun di mas grandi di Islanan Canaria. Cu esaki nan a continua nan viahe di luna de miel, cu a cuminsa na Italia y a wordu interumpi diasabra door di un paseo di sorpresas capital Spanjo.

Entre tantu ta stipula, cu e pareha a bula den un sportvlieg-

### BUNITA REGALO

PA

promer santa comunion



Collar di plata	F 1.25
Collar di oro	F 6.50
Cruz di plata	F 2.--
Cruz di oro	F 4.--
Medaja di plata	F 1.25
Medaja di oro	F 3.50
Renchi di oreo di plata	F 2.50
Renchi di oreo di oro	F 3.75
Renchi di dede di plata	F 1.25
Renchi di dede di oro	F 6.50
Borstspeld	F 1.50
Mancornia	F 5.--
Set di cuchara y forki	F 5.--
Oloshi di man	F 7.90
Rosario	F 1.25
Feneta di dashi	F 3.25
Ballpoint	F 2.95
Set di pen & Potlood Parker	F 8.50
Beker	F 6.--
Pulsera	F 3.60
Penja chiquito	F 2.--
Set di penja-spiel	F 4.--
Collar di cruz di plata	F 4.25
Collar di medaja	F 2.75
Cuchara di sta. comunion	F 1.50

Armband cu number den tur prijs.

NOS TA GRABA MIENTRAS

BO TA WARD.



tuig riba Madrid.

Sin di a cohe direccion pe serru Montejurra caminda tabata tumando luga un reunion di carlistanan. Observadornan no ta hanja probable, cu principe Carlos Hugo cu e vuelo aki kier a demostra su partidarianan cu apesar dje contrariedadnan di gobierno Spanjo, contra su presencia na Montejurra, durante e reunion, e tabata cerca di nan.

### Acuerdo Ruso-Argelino

Moscu, 6 Mei. - Premier Chroestsjev di Union Sovietica y presi-

dent Ben Bella di Argelia awe a worde publica ainda. Segun e agencia Ruso di prensa, Chroestsjev y Ben Bella a logra un acuerdo completo na nan deliberacionnan den Krim, cu tabata trata e relacionnan fraternal amical "y situacion" internacional.

### Scientificonan Aleman pa Egypto

Bonn, 6 Mei. - Investigacionnan ciudadosa di autoridadnan autoriza Aleman y Aliado no aduna ningun apoyo pe stipulacion, cu civilnan di Alemania Occidental na Egypto a coopera na desarrollo di armanan nuclear, segun e minister di asuntunan exteriora Bonn a participa awe. E boserio dje ministerio aki a declara ainda, cu tampoco a resulta, cunan a manda foi republica federal material nuclear pa Egypto. E boserio a desmenti, cu gobierno federal a manda pa Egypto den coreo diplomatico sella material radio activo.

E minister di Alemania Occidental a saca e declaracion aki en relacion cun noticia den prensa Britanico, segun cual un 20 científico di Alemania Occidental, cu permanentemente ta den servicio di president Nasser, a yuda Egypto na conquista dje dificultadnan di mas grandi pa bira un potencia nuclear chiqui. E trabou dje Alemania Occidental tin relacion cu transportacion di raketenan chiqui y facil, cu ta contene un cantidad limeta di material radio activo.

### 'RUMANAN DI SANGER'


NEW YORK, 6 mei - Polis di New York ta investigando caso di un banda di mas o menos sesenta hoben hendenan di colo, parce ta hiba un accion contra hendenan blancu di cual ya cinco persona a bira victima. Parce cu e banda ta traha bou di e nomber "rumannan di sanger" y ta comete asesinatonan no motiva contra hendenan blancu.

Un hoben di colo, Wallace Baker di 18 aña, acusa di a hinka un mucha muhe di tienda, a presenta voluntariamente cerca polis. Cinco otro hoben a worde arresta en coneccion cu e asesinato ey.

Ainda polis no a confirma oficialmente cu e banda ta existi, pero ta worde calcula cu esey lo sosode pronto.

# KNSM

*your line*



TELEPHONE 1777-3 LINES

SCHEDULE OF ARRIVALS/DEPARTURES AT/FROM ORANJESTAD

NOMBER:	FECHA:	FOR DI:	PA:
MEDON	7-5-64	U.S. Atlantic Ports.	Venezuela, Georgetown, Paramaribo.
MARON	8-5-64	Europe.	Bonaire, U.S. Atlantic Ports.
ORANJE NASSAU	8-5-64	Kingston.	Curacao, Port of Spain, Southampton, Amsterdam.
BENNEKOM	9-5-64	Mobile, Houston, New Orleans	Curacao, Venezuela, Trinidad, Barbados, Georgetown, Paramaribo, Cd. Bolivar.
THEMIS	13-5-64	Europe.	Venezuela, Sta. Maria, Barranquilla, U.S. Gulf Ports.
DELFT	14-5-64	Canada.	Georgetown, Paramaribo, Europe.

## Promer shobbel den terra pa expansion di AC Hotel



Senjora viuda Maria Yrausquin diasabra atardi a pone e prome shobbel den terra pa expansion di Aruba Caribbean Hotel-Casino cu 80 camber mas. Esaki ta e momento original cu e shobbel, cual solamente Arubaanse Courant a logra pone ariba papel sensible. Pa otronan e ritual aki a ser ripiti, mas biaha despues.



Ministro E. O. Petronia durante su discurso diasabra atardi na Aruba Caribbean Hotel.



Despues cu senjora Yrausquin a termina cu e ceremonia e tabatin tempo trobe pa tende un chiste di gezaghebber interino I.S. de Cuba. Ariba e portret nos por mira tambe ministro Petronia y senyor Pekow, un dje figuranan prominente di Executive House Inc., e compania di hotelnan cu ta explota Aruba Caribbean Hotel.



Aki nos ta weita e oradornan na ocasion di e ceremonia di prome shobbel: di r.p.d.r. senyor G. Nouel, director di Aruven N.V., Carl Devoe, president di Executive House Hotels Inc. y ministro Petronia.

## Mr. Schrage no ta arbiter

SIMAN PASA NOS A DUNA PUBLICACION NA E HECHO CU ENTRE E DOS ARBITERNAN DEN E CONFLICTO ENTRE ARUBA VOETBAL BOND Y JUVENTUD MILLONARIOS, SENJORES U. VAN BREET Y MR. C.W.J.J. HEUFKE, A WORDE YEGA NA UN ACUERDO TOCANTE E TERCER PERSONA PA TUMA PUESTO DEN E COMISION DI ARBITRAGE, E TERCER PERSONA AKI TA MR. H.J. SCHRAGE, ESAKI SINEMBARGO A INFORMA NOS RECIENTEMENTE CU E NO A WORDE ACERCA NINGUN MOMENTO PA TUMA PUESTO DEN E COMISION Y CU E LO NO ACEPTA UN NOMBRAMENTO COMO ARBITER. DOOR DI U. VAN BREET, NOMBRA DOOR DI A.V.B., NOS A WORDE INFORMA TOCANTE E ACUERDO PA NOMBRA MR. SCHRAGE.

Dia Huebs awor ta cumpli exactamente shete siman cu e caso di Juventud Millonarios contra di Aruba Voetbal Bond a worde trata dilanti di Corto den Promer Instancia. Sin cu a cai un decision di huez a worde acepta e proposicion di huez van Koot pa nombra un comision di arbitrage cu lo studia e conflicto y tuma un desision cual

ambos partido lo acepta. E comision aki lo mester a keda completamente nombra, esta tur e tres personanan cu lo compone e comision, no mas tarda cu tres siman despues di dia 19 di maart 1964. Esaki lo tabata incluyendo te hasta e eventualidad cu ta Huez lo tabata tin mester di nombra e tercer persona den caso cu e dosnan nom-

bra door di e partidonan no por yega na un acuerdo. Y kiko nos ta hanja awor? Cu dia Huebs ta cumpli nada menos cu shete siman y ainda e comision no ta completo. Manera nos a yega di informa caba no tabata tin mucho problema pa yega na un acuerdo tocante e tercer persona entre e dos arbiternan, pero debi na falta di tempo en conexion cu su trabao, e aceptacion di e tercer homber den persona di Mr. Schrage no a cristaliza promer cu door di U. van Breet e asunto aki a worde poni na atencion di oficina di Huez. Ta te e ora ey a worde confirma door Mr. Heufke cu e ta di acuerdo cu nombramento di Mr. Schrage. Pero e nombramento aki no a tuma luga oficialmente y awor Mr. Schrage ta declarar cu e lo no acepta un nombramento, pasobra simplemente e no a worde pidi nunca y awor e ta considera mucho laat. Nos tin e impresion cu e comision lo no por haci su trabao manera debe ser pa motibo cu un di esunnan nombra no tin e tempo pa dedica su mes na e problema. Ta parce nos consehabel pa den e caso aki nombra un otro persona cu si lo por actua cu poco mas rapidez den e asunto aki.

## Delegacion di Rumania lo bishita Merca

WASHINGTON, 6 mei. - Un delegacion importante di gobierno Rumano bou di direccion di vice-premier Gastov Mari, quende ta responsable pa e plannan economico, ta worde spera pronto na Washington, asina a worde participa den fuentenan bon informa den e capita Mericano.



E delegacion ta bin combersa tocante desarrollo di e relacion entre e dos paisnan a consecuencia di flohamentu di e politica di Merca contra paisnan di Europa oriental.

Den e relacion aquita worde observa, cu siman pasa un serie di autorisacionnan Mericano a worde entrega en conexion cu construcion di un fabrica di staal na Rumania.

## RAPPORT DI OE THANT

Nacionnan Uni, 6 Mei. - Secretario general di Nacionnan Uni Oe Thant, awe a participa den un rapport na consejo di seguridad, que forza di trupa di Nacionnan Uni na Cyprus mas o menos mei mei dje luna aki, lo llega na forza di shete mil militar, localnan a stipula anteriormente. E actual forza ta 6.369 homber, incluso e 28 polisman di Australia. Circulonnan diplomático a anuncia cu Oe Thant kier participa e gobiernonan relaciona, que forza di trupo, segun su opinion, meste keda mas cu tres luna na Cyprus, esta si tin algun cambio den e clima politico. Loke referi e cantidad di victimanan den e prome luna di presencia dje trupanen di Nacionnan Uni riba e isla di 27 di Maart te 27 di April Oe Thant a bisa, cu di fuente Griego Chipriota tabatin shete morto y 13 herido, y ne fuente Turco Chipriota 14 morto, y 15 herido. Den e periodo aki e trupanen di Nacionnan Uni a anuncia 163 diferente bringamentu di fuente di Nacionnan Uni a ser bisa cu te ainda nan a conta solamente un soldado levemente herido.

# REGALA MAMA UN APARATO ELECTRICO...



E SELECCION TA ENORME







Senjora Angelica Anthony dia 4 di mei na ceremonia di memoria di esnan cu a cai den guerra, ta poniendo flornan na e monumento na Oranjestad.



Na number di E.L.M.A.R. director ir. F.D.Looman a pone un krans pa e defuntonan.

## Biaha cu "Karel Doorman" Bista aserca di un empresa gigantesco ariba awa

Oranjestad, 6 Mei. - Na fin di April nos por a cera conoci cu e portavion di marina Hulandes. Cu no menos cu 158 invitado abordo e portavion a sali dia Luna mainta for di haf di Oranjestad pa durante mitar dia largo splica e bishitante- nan tur loke nan tabatin di puntra y muestra tur loke nan kier a weita quico e ministerio di gera na Den Haag tabatin pa ofrece. No tabata nada stranjo cu mes ora tur e Arubananan tabata completamente sorpresa di e bapor enorme aki, cu volkwagens por corre ariba su dek, y avionnan cu arma y torpedo abordo por subi y baha cu gran facilidad ariba e dek di Doorman cu apenas ta 200 meter largo.

E bishitante- nan di Aruba, cutabata worde- gia di un ski n dje portavion pa otro tabata forma pa entre otro gezaghebber interino I.S. de Cuba, deputado A. Falconi y D.C. Mathew, seiores Tom Haggerty, Jack van der Horn, senjora Nieboer, Sra. Murray, Frere director Bonifacius, havenmeester J. Berkhout y hopi mas. Na tur como 150 hende cu tabata cam- na pariba pabao bao direccion di algun oficial dje bapor cu a haci tur loke tabata den nan poder pa muestra tur vos cu nantabapapor.

Promer e bienvenida di Over-

ste van Rossum, despues subim- to dje helicopternan ariba laman grandi y tambe e avion nan di typo tracker, subimto dje avionnan for di hangar pa ariba dek, demostracionnan cu e heli- kopternan, tiramento di cajon ari ba ballo nan y hopi mas na dado momento e submarino "Zeeleeuw" cu durante e weekend tabata na Oranjestad ta presenta banda dje bapor na algun milla pa Noord di Aruba. Mei ora largo e sub- marino aki a duna un demonstra- tion, sacando e periscopio y snor- kel riba awa. Tambe nan a tira cu balanan di colt. Por ultimo e

submarin a bolbe subi ariba mes- cos cu un bajena cu ta busca aire fresco. Asina e mainta intere- sante abordo di Karel Doorman a pasa. Un bapor cu no ta sina hoben mas y cu no ta sconde su fallonan pa insiders y cu alavez ta menos adecuado pa servicio den tropico. Pero e animacion abordo tabata bon y e hospitali- dad tabata di Karel Doorman mes. Pa despues di merdia e a avionnan a cuminsa ta regresa uno pa uno, cu excepcion di uno cu a baha na prinses Beatrix Airport pa motibo di fallo tec- nico den un motor. E trackers- nan cu ta special pa busca sub- marinonan, asina nos a worde in- forma tin luznan grandi den hala cu ta masha fuerte, como 70 millon bela, loke ta mas fuerte cu tur e vuurtorennan di Hulanda huntu. Durante e biaha senjor J.A. van der Schoot na number di Onze Vloot a entrega un paki di disco pa laga toca pa e tripua- lacion; senjor Alberts a entrega poco despues un paki similar pa e oficialnan. Radio Antillana aper- cura pa un prize door di trans- miti tur cos directamente for di portavion. E transmision a wor- de candena cu Corsow y a worde ricibi masha bon segun nos aten- de despues tambe na Aruba e re- cepcion tabata perfecto.

Arubaanse Courant tabatin e suerte di worde gia henter main- ta door di dos oficial hoben, te- niente Bax y Pols, dos typo cu tabata masha entuslasto di nan bi- shita y e recepcion na Aruba.

Despues nos por a compronde esaki tambe, un anochi prome

## Un siman na New York y bishita Feria Mundial!



**Tour completo:  
\$ 215.--  
of Nafl. 409.--**

E prijs ariba ta inclui:

Agosto 16, 1964 -- Cu Trans Caribbean Jet pa New York  
-- Cu bus aire-acondiciona for di J.F. Kennedy vliegveld pa hotel na New York City.

Agosto 16 pa  
Agosto 23

-- Accomodacion cu kamber di dobbel-cama, hotel di primera clase na New York City (Victo- ria of Taft)

Agosto 17

-- cu bus aire-acondiciona tour di 4 ora for di Manhattan, salida 1.30 p.m.

Agosto 18

-- liber

Agosto 19

-- Cu bus aire-acondiciona for di hotel pa Feria Mundial, inclusi- vo admision na e Feria. Salido for di hotel 10.00 a.m., regreso 5.00 p.m.

Agosto 20

-- Cu bus aire-acondiciona for di hotel pa Feria Mundial, inclusi- vo admision. Salida di hotel 5.00 p.m. - regreso pa hotel mei- anochi.

Agosto 21

-- Liber.

Agosto 22

-- Liber

Agosto 23

-- Cu bus aire-acondiciona for di hotel pa J.F. Kennedy vliegveld pa Trans Caribbean Jet for di New York pa Aruba.

MINIMO 50 PERSONA.

PA MAS INFORMACION Y RESERVACION: JAMA E.&G. MARTIN (ARUBA) LTD. TEL. 1492 of 1493 - DESPUES DI 6 p.m. TEL. 2690.

TRES QUOTA FACIL DI FL. 136.34 - PROME QUOTA MESTER TA PAGA PROME CU 2 DI JUNI, 1964.

## PA BO COMPRAS DI ULTIMO MOMENTO PA DIA DI MAMA

Perfume  
Cosmetico  
Blousa

articulos electrico chikito etc.

NA

**ARUBA TRADING  
COMPANY**

NATURALMENTE

## PA DIA DI MAMA

DUNA MAMA UN SORPRESA FOR DI NOS  
EXTENSO SURTIDO DI REGALOS, e.o. ren- chi, holoshi, joyas, cristal etc.

\* tambe pa PROME SANTA COMUNION nos tin bunita articulos pa regalo pa mucha na prijsnan masha atractiva.

PA ARTICULOS DI CALIDAD Y BON SERVICIO BISHITA

*Joyeria Relojeria*  
**RODANIA**

Oranjestad 26

tel. 3121

a cer a conoci cu e simpatica ballarina di Bali Bar di Aruba Caribbean Hotel Cecilia Dupras

kende despues a hiba nan den su auto te na trapi di Karel Doorman. (Sigui lesa pag. 6.)



"Karel Doorman", den waaf di Oranjestad. Parce manera cu e bapor ta bay haci un traversia cu e hendenan.



E sub-Marino "Zeeleeuw" di Marina Hulandes den waaf di Oranjestad. Banda di e bapor tin un cantidad di hende pará, cu kier miré gustosamente.



Durante e biahe cu "Karel Doorman" e bapor "Zeeleeuw" ta dunando demostracionnan na un distancia grandi. For di e bapor nan a worde sigui cu atencion. E matroos riba e portret aki por a mire miho cu Sr. Klapper pará banda di dje.



Tin cosnan den bida, cu bo no mester mira di atras, pero "Karel Doorman" ta un excepcion favorable, pasobra hasta di banda di patras e bapor aki ta bunita. E buraconan ta di e dek cubierta, e officersdek henteramente bandi patras net boudi e pista di avionnan.



Tambe Frere director Bonifacius tabata presente durante e biahe: den sport shirt.

#### KAREL DOORMAN

(Continuacion di pag. 5.)

Esaki ta obheto grandi pa e marinernan, algo mas grandi cu un condecoracion haltu, y lo ta material di combersacion durante dianan largo abordo Karel Doorman a boibe bishita Aruba y actualmente ta na Willemstad, na unda nan ta practicando constantemente den laman di Caribe. "Karel Doorman" a priminti di boibe haci Aruba un bishita, aunque cu lo no ta riba e biaha aki mas.

### Observadornan di NU pa Jemen

New York, 6 Mei. - Saoedi Arabia y Egypto, cu ta comparti e gastonan dje estadia di un grupo di observadornan di Nacionnan Uni na Jemen, a duna mas placa pa duna e observadornan oportunidad pa keda akina dos luna mas segun anuncia awe. E mandato dje 25 observadornan aki a termina awe. E gastonan pa cada dos luna lo ta mas o menos 200.000 dollar pa cada di ambos gobierno.

### NGO DINH CAN LO WORDE EHECUTA

SAIGON, 6 mei E peticion pa clemencia, cu Ngo Dinh Can, e ruman mas hoben di defuntu Ngo Dinh Diem, a haci serca e hefe di estado Sur Vietnames, general Doeong Van Minh a worde rechaza.

Esaki ta nifica cu dentro di cinco dia lo worde ehecuta, sea pa guillotina, of pa un peloton di fuegon.

Un tribunal di revolucionario a condena dia 22 di april na Pena di morto pa motibu di diferente delito.



Aki nos por mira e grandioso porta-avion for di e boto di loads hospitalario. E construccion halto ta claramente visible. Banda drechi riba e dek di patras nos por distingui cuatro boei pa guia bahamento di e avionnan, cu mester trece e piloto salvo paden.



Durante e biaha na bordo di "Karel Doorman", cu a worde ofreci na un 150 invitadonan, tabata tin tur sorto di cos pa mira. Aki nos por mira manager di Hotel Henry Steeber ta filma.



Un Tracker ta drechando, y ta saca e haak patras. (manera nos por mira claramente). E portret a worde saca door di e buraconan di e dek cubierta. E aparato nos ta mira anto di banda abou, algun seconde promé cu e topa cu e pista di avionnan.



# AGENDA

## ARUBAANSE COURANT

diariamente cu excepcion di  
diadomingo  
subscription f. 3.25 pa luna  
edicion los 20 ct.  
edita pa:  
N.V. ARUBAANSE DRUKKERIJ  
- en UITGEVERIJ - en PUBLI-  
CITEITS MIJ.

imprimi na:

N.V. DRUKKERIJ  
„DE STAD,”

Telefoon 1116 Directiva y redac-  
cion, 2116 Anuncio y subscrip-  
cion.

Directeur hoofdredacteur:  
D. Wolff.

POR CUMPRAR ARUBAANSE  
COURANT NA E SIGUENTE  
LUGARNAN:

NA ORANJESTAD:  
BOEKHANDEL MARISKA,  
PIET SODA FOUNTAIN,  
REFRESQUERIA INGRID.

NA SAN NICOLAS  
NICOLAAS STORE,  
UNION STORE.

## BOTICANAN DI WARDA

Oranjestad Botica del Pueblo  
Tel: 1253-2154  
San Nicolas Botica San Lucas  
Tel: 5119.

## CINE

De Veer: 8.30 p.m. "Who's  
Got The Action?" all  
Rialto: 8.00 p.m. "Bonitas  
las tapatias" 18 j  
Principal: 8.00 p.m. "Mondo  
Cane" 18 j  
Aurora: 7.30 p.m. "Cimar-  
ron" all  
Gavaneta: 8.00 p.m. "Rei  
Pele" all

## TELEARUBA

6.30 Cartoons  
6.00 Public Service  
6.30 Dutch Film  
6.45 Papiamento Newscast Live  
& Filmnews  
7.30 Phil Silvers  
7.45 Papiamento Sportnews  
8.15 This man Dawson  
8.45 Concentration  
9.00 English Newscast Live &  
Filmnews  
10.00 Wire Service  
10.30 Wrestling

# POR FIN E AMOR VERDADERO

## NOVELA

No. 28.

Y toch mi a scirbi hopi car-  
to, pero mi tampoco na haya  
contestata. Nan a kibra e relacion  
entre nos dos, na un manera ma-  
ha cruel. Si un diabopora odiami  
ora numa e caminda lo ta liber,  
caminda di prosperidad y lujo.  
Bo no ta kere Brigit, cutabata tin  
henda, cuya tabata tin e doley  
mirá delanta? "Sin cu Brigit sa, el  
hala un poco patras. E tabata sin-  
de e vloer ta moel bou di su planan.  
Esey nota berdad! Mi mama no  
por a haci tal cos cu mi!" Deses-  
perá el a sera su wowonan. Y ora  
cu el a habri nan bek, e a ripara un  
sombra tras di e porta di glas.  
"Casi mi a bira loco e tempo ey",  
José a bisa. "Pa mi, mi trabou no  
tabata tin valor, si bo mester laga  
mi. Mi kier a bin cas bek, pero net  
ora mi a ricibi un carta. Bo ta  
corda Sra. Beck, caminda mi taba-  
ta keda? El a jega di mirabo den  
compañia di Frenky Zeeberg, Y

como el a kere, cu e nopo haci  
otro cos pa mi, el a jega mi un can-  
tidad di cos riba bo. Mi no mester  
a keré, awor numa mi sa esey. Pe-  
ro despues mi tabata tin solamente  
un doel na bista: José Marei mes-  
Casi Brigit no por a sigui scucha.  
José ta papia berdad, esey e no ta  
bata duda. Pero e sombra tras di e  
portal. Aínda e ta pafa sin moel.  
Frenky....José....Frenky....José....  
e nombenan aki ta pasa den su ca-  
bez. Dios, ta kiko mas bo ta desea  
di mi? Bo no ta tende, pakiko mi a  
perde su amor? Taden bo man, pa  
yuda Frenky....abo so por duna e  
forza pa asina e por vence su ma-  
lesia....Awor e sombra tras di e  
porta a move. Cutrabou Frenky a  
pone su man na su wowo. Despues  
Brigit a bisa: "Bo por wel di keré  
José, Sra. Beck tabata tin razon di a  
papia di mi! Mi a traiciona bo a-  
mor. Frenky tabata mas cerca di  
mi, y ta pesey mi a eligé. Ami

mes a corta e laso cutabata mará  
nos na otro, y ningun hende otro.  
Mi a ricibi bo cartanan, pero mi  
mes no kler a contestanan. "Lo  
mi a kere esey, si bo no a bini  
Frankfurt. Bo no ta corda cu bo a  
bisa, cu bo kler a papia cu mi di un  
amor cu no kler muri?". "Aha, bo  
sa tambe?". Si bono a bisa Lau-  
re bo nomber, pero toche a reco-  
nocebo. Despues e tabata tin hopi  
duele, cu e no a bisabo e berdad.  
Pakiko bo ta castiga bo mes asi-  
na, Brigit?". "Mi no ta castiga  
mi mes, José, pero mi tin ber-  
guenza. Pasobra bo a sali di leeuw  
pa bin akina por nada. Ta ber-  
dad, mi kler a papia cu bo na  
Frankfurt, tocante un amor inmor-  
tal, y esey ta mi amor pa Frenky.  
Y mi kler a pidibopar bo compren-  
demi".  
"Esey no ta bedad. Ta pa kende  
bo ta ganja? Y pakiko bo ta ganja?  
Hamas lo bo bandonami, si mi  
cartanan a jega sercabo. Bisami,  
kiko mi a skirbibo?". "Solamente  
un carta mi a lesa di bo, e otro-  
nan mi a kibranan sin habri nan  
mes". "Y cuanto nantabata, Brig-  
it?". "Mi no sa. Ya cu nan no  
tabata tin balor pa mi. Laga mi  
bay awor, José, mi no por bisa-  
bo otro cos. Odiami, y bay lagami."  
"Bo ta desilumina bo mes, pa  
asina bo keda Zeeberg fiel".  
"Mi ta su senjora José y....  
mi ta stimé. Pero comprende-  
mi no, y lagami bay!". Awor

numa e sombra tras di e por-  
ta a disparce. Ora cu Brigit a  
habri e porta, ya Frenky a dis-  
parce den oscuridad. "Adios,  
José, adios, y no bolbe mas."  
Brigit a bisa poco poco, mien-  
tras el a cana bay. Tabata ha-  
ci hopi frieuw, pero Brigit no  
tabata ripara mes. Mas lihé  
cu su pia nan por a hibé, el a  
corre bay. Y despues di mey  
ora el a jega na e cas, unda  
e tabata biba un tempo. E mes-  
ter a bati varios biaha, promé  
Helena Fos a habri e porta  
"Brigit?, mi jiu, kiko bo ta ha-  
ci akina mey anochi? Kiko a  
pasa? Mi Dios, mira bo estado.  
un mantel?, anto cu tur e frieuw  
cu ta haci". "Mama, dunami  
mesora un contesta riba mi pre-  
gunta: ta berdad cu José a man-  
dami carta, y cu ami no a haya?".  
"Brigit, bo a perde bo tino? Pa  
algo asina, bo no tin mester di  
bini serca mi mey anochi". "Bo  
no ta contestami no, kler meen  
cu José ta papia berdad. Tabata  
mi propio mama cu a kibra mi  
felicidad. Mi Dios, kler meen cu  
bo a sinta mirami ta yora y su-  
fri, y bo no a bisami ni un pala-  
bra". "Stop Brigit. Atabo a ha-  
ya un felicidad hopi mas grandi  
cu esun di José? Frenky ta sti-  
mabo, e ta pone mundu henter na  
bo planan". "Si, ta esey bo taba-  
ta kler. Bo tabata kler a mirami  
rico, pero bo no ta worry cu mi

felicidad. Unda e cartanan ta. Ki-  
ko bo a haci cu nan?" "Esey mi  
no sa, ta asina hopi tempo pasá.  
Ya e cartanan ey no tin mas ba-  
lor pa bo toch?" "E mesun pa-  
labranan ey mi a bisa José tam-  
be, ora cu el a puntra pa e car-  
tanan ey". "José?, bo kler meen  
cu el a bolbe anto? Ta con e por  
a tribo.....?". "E ta stimami  
mes hopi cu antes y ta pesey el a  
bolbe". "No, esey ta locura, Brig-  
it. Bo no mester scuché. E ta  
ganja. Nunca el a skirbibo, e kler  
destrui bo matrimonio!". Esta  
sinberguena bo ta. Loke bo ta ad-  
miti un biaha, bo ta desmentí otro  
biaha. Mi por a spaar e caminda  
serca bo. Pero mi no por a kere,  
cu bo a trata asina escandaloso.  
Bo a bendemi, mama!". Esey no  
ta berdad, mi tabata kler sola-  
mente bo felicidad, Brigit. Mi ta  
rogabo, laga pasado keda sosegá.  
Bo a hura bo casa fieldad te na  
morte". "Si, y mi a hura José a-  
mor te na morte. Botabata sa ma-  
sha bon, hopi biaha mi a jega di  
bisabo". "Y kiko lo pasa awor? Bo  
no por bandon Frenky, Brigit. E  
ta inocente, y tur loke el a haci  
ta stimabo! Si, ta berdad, mi a  
comportami mes terribel. E pen-  
samentonan riba e cartanan ha-  
mas alagami cu sosiego. Pero mi  
tabata sa, cu siquier a un hende mi  
por haci felis y esey ta Frenky.  
E ta sigui....

## RADIO CARABAS TELEVISION

8.45 Senderos de luz.  
9.00 T.V. Educativa.  
10.30 Cosas de mujeres.  
11.15 El hogar y la moda.  
11.45 Novela.  
12.00 Noticias.  
12.05 Show de Renny.  
13.15 Se necesita una amiga.  
13.35 Cortos.  
14.00 Yo se lo vendo.  
14.30 Documental.  
15.00 Estudio de Hector Monte-  
verde.  
15.30 Perfecta ama de casa.  
16.00 Mejías y sus muchachos.  
17.00 Busque su marca.  
17.30 Que no nada de familia.  
18.00 Circo de frontera.  
19.00 Tallahassee.  
19.30 Dick van Dyke.  
20.00 El observador.  
20.15 Teatro frances.  
20.45 Don Camillo.  
21.45 Bonanza.  
22.45 Noticias.  
23.00 Ajedrez fatal.  
24.00 Randal el justiciero.

## INCIDENTE DEN SENADO MERICANO

WASHINGTON, 6 mei.- Un ho-  
ben di colo, a worde saca di tri-  
buna publica di senado Mericano,  
despues cu el a critica e sistema  
riba cual senado ta trata e pro-  
yecto di ley tocante derechonan  
civil. E hoben a lanta para y a  
grita:

"Con boso por bisa ta na favor  
di hendenan pretu, si solamente  
cincu senador ta presente di cual  
solamente dos ta participa na e  
debat?"

E senado ta consisti di cien  
miembro. Tabata e di 47 dia di e  
debat tocante derechonan civil. Se-  
nadornan di e estadonan den sur  
di Merca ta trata pa caba cu e  
proyecto door di tene discursio-  
nan inmensamente largu.

E demostrante a worde transpor-  
ta pa un hospital na Washington pa  
un investigacion di su capacidad-  
nan mental.

## Regalo pa Princesa

NIJMEGEN, 6 mei.- E comite  
bou di direccion di dr. J. Gribling  
na Nijmegen tahaciesfuerso pa  
ofrece prinses Irene un regalopa  
su casamentu te awor aqui a rici-  
bi binti mil florin.

Tocante e caracter di e regalo  
nan lo tuma contacto cu prinses  
Irene. Durante e recepcion na Ro-

ma e miembro di e comite, dr.  
Schulte di Maastricht, a entrega  
un telegram y carta na prinses I-  
rene, den cual e prinses a wor-  
de pone na altura di e trabao di  
e comite.

## BUTLER NA HAPON

MANILLA, 6 mei.- E minister  
ingles di exterior, Richard But-  
ler, a yega Manilla for di Tokio  
pa un bishita oficial di dos dia na  
Filipinas.

Butler a bisa periodistanan, cu  
el a hiba deliberacionnan exitosa  
na Tokio y Washington tocante

aumento di e territorio pacifico  
na Sur Oost Asia y den mundu  
liber.

Den su deliberacionnan cu e pre-  
mier hapones y e minister Hapo-  
nes di exterior el a yega na un  
acuerdo tocante tur asuntunan,  
incluso esun di asuntunan comun  
comercial.

## Protesta Britanica di Alemania Oriental

BONN, 6 mei - Gran Britania  
awe a protesta cerca Rusia con-  
tra e comportamentu inhumano  
di guardianan di frontera di Ale-

mania Oriental, cu siman pasa  
a tira riba dos hoben refugiado  
di Alemania Oriental, ora cu esa-  
kinan ya a alcanza teritorio di  
Alemania Occidental. Esaki a tu-  
ma luga dia 30 di april cerca  
di Bad Harzburg den e ex zona  
Britanico di ocupacion. Un dje  
refugiadonan a keda seriamente  
herida.

## Protesta Sovietico

Gobierno Ruso a protesta cerca  
embahadornan di Merca Gran  
Bretania y Francia na Moskou  
contra serramentu dje empresa  
Ruso Berlin Occidental di co-  
mercio "Helios Handels Cen-  
trale" na Berlin Occidental.

## SPRITZER + FUHRMANN JOYERIA-RELOJERIA-OPTICO

ARUBA BONAIRE CURACAO ST. MAARTEN NEW YORK



Corda mama cu un  
precioso renchi di  
diamanta.

F. 58,--

F. 380,--

F. 620,--

F. 340,--



NP KIRBY

pa cortesia di:

JAN BODEGOM &amp; CO (ARUBA) N.V.

Agencia exclusiva di

FRIESCHE VLAG

lechi evaporado y lechi en polvo

MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

with compliments of

OFICINA MARITIMA DE ARUBA

DOCUMENTATION &amp; TRANSPORTATION

FOR INCOMING, LOCAL, &amp; OUTGOING CARGOES BY AIR, SEA AND LAND



DICK TRACY



## Horoscopo personal

ARIES-21 di maart-20 di april- Esaki ta un bon dia pa e boncontactonan cu ta yuda y cu tabata worde eludi recientemente.

TAURO-21 di april-21 di mei- Esaki ta un dia den cual soñonan ta worde realiza. Esun cu no ta risca no ta gana.

GEMINIS-22 di mei-21 di juni- Bo relacionnan cu otro personanan por ta di gran importancia awor. Relacionnan domestica y esnan di negoshi ta favoreci.

CANCER-22 di juni-23 di juli- Subraya e cuestionnan di empleo. Si bo ta buscando un cambio di empleo o un oportunidad pa nan ascende bo, esaki ta e dia cu bo por obtene esakinan.

LEO-24 di juli-23 di augustus- Hasi un esfuerso pa reduci bo tendencia pa actua na un manera impulsivo. Si bo obtene esaki anto esaki ta un di e mihor dianan dialuna.

VIRGO-24 di augustus-23 di september- Probabilidadnan ta tur na favor di Virgo e dia aki, asina ta cu no descuida y bai tras di algu cu bo ta desea especialmente. Lanta tempran y traha laat.

LIBRA- 24 di september-23 di october- Si bo ta desea, anto esaki lo bira un dia romantico. Esaki ta un bon epoca pa combina negoshinan cu actividadnan social.

ESCORPION-24 di october-22 di november- E persona cu inventiva su ingenio den su actual proyecto nan lo tin excelente resultadonan.

SAGITARIO-23 di november-22 di december- Si un homber bisti bon esaki no taifica cu el a obtene exito, pero ayudo si.

CAPRICORNIO-23 di december-20 di januari- Si nan anticipa bon resultadonan pa Capricornio cu por coopera, esaki no ta un dia pa bo reserva bo plan- y esfuersonan.

ACUARIO-21 di januari-19 di februari- Hasi un bon comienzo den algun di bo bon proyectonan. Bo no mester worde destrai pa e que hacernan di rutina.

PISCIS-20 di februari-20 di maart Aprobecha tur e tendencianan cu tin pa Piscis bon. Bo por obtene ganancianan material y espiritual.

## Johnson di paseo

WASHINGTON, 6 mei - President Johnson di Merca, ayera pa complacere fotografonan, a bolbe hisa un di su dos cachonan di caza na su oreo.

Ora cu el a haci esey siman pasa, el a haya un yobida di critica serca amigunan di animdianan, kendenan tabata principalmente sorprende, cu e president a bisa: mi ta hisa nan de vez en cuando na nan oreo, pasobra nan ta ladra y esey ta bon pa nan.

Pero e cacho, cu e president a hisa ayera na oreanan, no a ladra, loke a pone e president observa cu un sonrisa: "E ta ladra solamente si un fotografo yega mucha serca.

E president a interrumpi un paseo, cu el a haci en compania di periodistanan, den jardin di Casa Blanca, pa hunga cu e cachonan. E ora ey e president tabata haciendo e di siete buelta den su cura y e periodistanan (ya cansa) a calcula cu nan a cubri un distancia di cuater kilometer.